

թՀավելված N 4
ՀՀ պետական եկամուտների կոմիտեի նախագահի
«05» հունիս 2023թ. N 560-Լ հրամանի
(05100033) / (000023) / (000000)
(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԱՐԵՎԵԼՅԱՆ ՄԱՔՍԱՏՈՒՆ-ՎԱՐՉՈՒԹՅՈՒՆ

(Մաքսային կանոնների խախտումը բնույթ ստորաբաժանման անվանումը)

Ո Ր Ո Շ ՈՒ Մ ԹԻՎ 659/6

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«12» հուլիս 2023 թ.
(ամսաթիվը)

Ք. Վանաձոր
(կազմման վայրը)

Ես՝ ՀՀ պետական եկամուտների կոմիտեի Արևելյան մաքսատուն-վարչության
(ստորաբաժանման անվանումը)

ղեկավար Հայկ Միրզոյանս, քննելով՝ Աշոտ Վովիկի Սահակյանի (անձն.՝ AV0559126, ծնված՝
23.11.1979թ. , հասցե՝ 4115, ՀՀ Տավուշի մարզ, Նոյեմբերյան, գ.Դեղձավան, 3-րդ փ., տուն 1)

(քննվող անձի անվանումը, կազմակերպարական տեսակը, ՀՎՀՀ, պետական գրանցման/ընկերության հասցեն, փաստացի գործունեության
հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Յ Ի

ՀՀ քաղաքացի Աշոտ Սահակյան 2023 թվականի հունվարի 31-ին ժամանելով ՀՀ ՊԵԿ
ԱՄՎ Բազրատաշենի մաքսային կետ-բաժին իր հետ տեղափոխել է ապրանքներ՝ 5,5 կգ
ընդհանուր քաշով կահույքի պարագաներ, 2 կգ ընդհանուր քաշով նոր հագուստ, 8 կգ
ընդհանուր քաշով նոր պահեստամասեր և 2 կգ ընդհանուր քաշով մանկական խանձարուր:
Նույն օրը տվյալ ապրանքները հանձնվել են մաքսային մարմինների ժամանակավոր
պահպանմանը: Ժամանակավոր պահպանման ժամկետը ավարտվել է 01.06.2023 թվականին:

Նշված ապրանքների վերաբերյալ սահմանված ժամկետում Աշոտ Սահակյանը մաքսային հայտարարագիր չի ներկայացրել: 12.06.2023թ.-ին նշված ապրանքների վերաբերյալ կազմվել է «Ապրանքների և դրանց վերաբերյալ փաստաթղթերի արգելապահման» արձանագրություն:

Փաստի առթիվ 23.06.2023 թվականին Աշոտ Սահակյանի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 302-րդ հոդվածի հատկանիշներով:

Նշանակվել է վարչական վարույթի քննություն 10.07.2023 թվականին ժամը 11:30-ին, և գործի քննություն 12.07.2023 թվականին ժամը 11:30-ին, որի վերաբերյալ վերջինիս պատշաճ ծանուցվել է:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ «Ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի»:

Նույն օրենսգրքի 110-րդ հոդվածի 1-ին կետի համաձայն՝ «Միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում»:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն»:

Նույն հոդվածի 2-րդ մասի համաձայն՝ «Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության»:

Նույն հոդվածի 3-րդ մասի համաձայն՝ «Սույն գլխում կիրառվող հասկացությունները օգտագործվում են Միության մաքսային օրենսգրքի և Վարչական իրավախախտումների վերաբերյալ Հայաստանի Հանրապետության օրենսգրքի իմաստներով»:

«Մաքսային կարգավորման մասին» ՀՀ օրենքի 304-րդ հոդվածի համաձայն՝ «Սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը, առաջացնում է տուգանք՝ ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ»:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

Վարչական վարույթի նյութերի ուսումնասիրության ընթացքում պարզվել է ՀՀ քաղաքացի Աշոտ Սահակյանը 2023 թվականի հունվարի 31-ին ժամանելով ՀՀ ՊԵԿ ԱՄՎ Բազրատաշենի մաքսային կետ-բաժին իր հետ տեղափոխել է ապրանքներ՝ 5,5 կգ ընդհանուր քաշով կահույքի պարագաներ, 2 կգ ընդհանուր քաշով նոր հագուստ, 8 կգ ընդհանուր քաշով

նոր պահեստամասեր և 2 կգ ընդհանուր քաշով մանկական խանձարուր, որը նույն օրը հանձնվել է մաքսային մարմինների ժամանակավոր պահպանմանը /համաձայն՝ «Մաքսային մարմինների ժամանակավոր պահպանման պահեստներում մաքսային մարմինների կողմից ապրանքները և տրանսպորտային միջոցները ժամանակավոր պահպանման վերցնելու» թիվ 48 անդորրագրի/։ Ժամանակավոր պահպանման ժամկետը ավարտվել է 01.06.2023 թվականին։ Նշված ապրանքների վերաբերյալ սահմանված ժամկետում Աշոտ Սահակյանը մաքսային հայտարարգիր չի ներկայացրել, որի համար 12.06.2023թ.-ին կազմվել է ապրանքների և դրանց վերաբերյալ փաստաթղթերի արգելապահման արձանագրություն։

Այսպիսով, վարույթի նյութերով հիմնավորվում է, որ Աշոտ Վովիկի Սահակյանի արարքում առկա է «Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտման հատկանիշներ։

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 304-րդ, 322-րդ, 334-րդ հոդվածները և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածները՝

(իրավական ակտի անվանումը, հոդվածը)

Ո Ր Ո Շ Ե Ց Ի

1.«Մաքսային կարգավորման մասին» ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար Աշոտ Վովիկի Սահակյանին ենթարկել վարչական պատասխանատվության՝ տուգանելով **30000 (երեսուն հազար) ՀՀ դրամի** **չափով**։

(նշվում է վարչական տույժ նշանակելու մասին կայացված որոշումը)

2.Պարզաբանել, որ «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն՝ որոշումն ուժի մեջ է մտնում այն կայացնելու պահից և համաձայն նույն հոդվածի 4-րդ մասի՝ Վարչական տույժ նշանակելու մասին մաքսային մարմինների որոշումը

կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Արևելյան մաքսատուն-վարչության

(ստորագրամասն անվանումը)

ղեկավար՝

(անուն, ազգանուն)

ՀԱՅԿ ՄԻՐԶՈՅԱՆ

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի

ներկայացուցչի անունը, ազգանունը, հայրանունը և լիազորությունը հաստատող

փաստաթղթի տվյալները)

(ստորագրություն)

«__» _____

(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված փույթի գումարը ենթակա է վճարման Կենտրոնական գանձապետարանի №900005024055 հաշվեհամարին 29 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: